

KERATAN AKHBAR

TARIKH : 17 JUN 2025

AKHBAR : SINAR HARIAN

MUKA : 2
SURAT

Ilmu di kementerian cenderahati terbesar yang saya bawa pulang

'Ilmu di kementerian cenderahati terbesar yang saya bawa pulang'

FOTO: FB RAFIZI RAMLI



SHAH ALAM - "Lazimnya kita mengingati kenangan manis dengan cenderahati. Tetapi cenderahati terbesar yang saya bawa pulang adalah ilmu hasil tunjuk ajar kesemua penjawat awam sepanjang berkhidmat di Kementerian Ekonomi."

Demikian luah Menteri Ekonomi, Datuk Seri Rafizi Ramli pada hari terakhir di Kementerian Ekonomi pada Isnin.

Rafizi berkata, sebagai ketua dalam organisasi besar, seseorang itu perlu banyak bertanya dan belajar perkara baharu daripada penjawat awam.

"Sebab itu saya terhutang budi kepada semua penjawat awam ini. Saya banyak belajar daripada mereka dalam menjalankan tugas."

"Kalau penjawat awam ke-dekut ilmu, tidak memberi jawapan yang betul atau culas, menteri itu tidak akan membina kemahiran dalam tempoh singkat. Kecuali kalau menteri itu sendiri tidak berminat ambil tahu, lalu diserahkan urusan pentadbiran sepenuhnya kepada penjawat awam."

"Saya tidak bimbang dengan kemampuan kerajaan merancang kemajuan negara kerana tulang belakangnya terdiri daripada penjawat awam yang sayangkan negara," katanya menerusi hantaran di Facebook.

Ahli Parlimen Pandan itu berkata, skop Kementerian Ekonomi amat luas dan menteri perlu mahir selok-belok pertanian, kesihatan, tenaga, pendidikan serta semua bidang lain selain daripada kebiasaan iaitu makroekonomi.

Kakitangan kementerian tidak melepaskan peluang bergambar sempena hari terakhir Rafizi pada Isnin.